

Rapport annual administrativ della pleiv da Tujetsch per 1974.

Per l'emprema ha la suprastanza da pleiv l'honor ed obligaziun da presentar a Vus rapport e quen da lur administraziun.

Il present quen della pleiv ei tenor constituziun serraus cun ils 31.12. 1974. Suenter prest 6 meins po ei bein valer da presentar quel alla radunonza da pleiv.

Nus havein giu uon ina carschen dallas expensas da rodun 40 000.- frs. Pricipalmeins treis facturs han effectuau e caschunau a nus sco era a Vus quella sorpresa. Inaga la carschen dellas differentas pagas, secundo in bien ton quens per fatgs da pleiv che la cassa communal cuvrevia, e terzo la bonificaziun per la administraziun. Sco la vischnaunca ha era la pleiv finalmeins giu ina carschen dallas intraddas, effectuada entras la liquidaziun dellas pendentas taxaziuns da taglia. Quei augment ha purtau rodun 27 000.-frs dapli intradas per la pleiv.

En 24 sesiuns ha la suprastanza da pleiv deliberau las fatschentas currentas. La pleiv ei stada radunada tier 3 radunonzas per decider en fatgs resalvai alla cuminonza da pleiv.

Igl onn passau sco emprem onn della administraziun separada per la pleiv, ha purtau in bien ton lavur e quittau extra-ordinari.

Ei gl'ei stau da preparar ina constituziun per la cuminonza da pleiv e dasperas era in regulativ da taglia. La radunonza da pleiv dils 1.3.74 ha cun pintgas midadas approbau la constituziun ed il regulativ da taglia.

Era las auctoritads della baselgia catholica han cun ina pintga midada dau sia approbaziun. Quella midada pertucca il dretg da votar, che ei conform al dretg cantunal lubius per cun 20 onns, enstagl cun 18 onns sco nus havevan previu en nossa constituziun.

In secund buca meins emperneivel problem ei stau la cunvegnentscha cun la suprastanza communal, respectiv vischnaunca politica, pertenenent la zavrada dils beins della pleiv, e marcau e brat arisguard sulom cediu dalla pleiv per eregier il stabiliment per il schurmetg civil e la casa communal. La radunonza de pleiv dils 20.12.74 ha suenter che la radunonza della vischnaunca politica haveva giu dau siu consentiment, approbau quella cunvegnentscha e brat da terren, sco las duas respectivas suprastanzas eran secunvegnidas.

Cun caschun dalla rendaziun dils quens dellas ugadias ~~da las~~ baselgias e capluttas ha igl ugau baselgia da Selva e s. Brida remess deffinitivameins siu uffeci sco ugau. Signur Giachen Martin Venzin ha administrau quei fatg duront 42 onns e giu quittau cun sia mumm p.m. e sia sora dalla baselgia e digl inventari che auda leutier. En num dils vischins dadens gl'uaul e della entira pleiv amettein ad el in cordial engraziament per tut il bien prestau. Sco niev ugau baselgia per Selva e s. Brida ei sgr. Stiafen Venzin vegnius numnaus. Jeu engraziel ad el per la bunaveglia demussada cheutras e giavischel ch'el anfli duront biars onns plascher en quei uffeci.

Igl ugau baselgia da s. Vigeli (ha presentau) signur scolast secundar Leci Jacomet ha presentau in extract dil quen dalla restauraziun baselgia. Tenor quel ha el sbursau entochen ils 31.12.74, per lavur vid la restauraziun baselgia la bialla summa da frs. 302 746.90. Quei mument figurava aung in deivet da 93 774.65 frs. La restauraziun ei alla fin e gartegiada per cuntentientscha ded jasters ed indigens. Nus engraziein alla commissiun entira per la gronda e bialla lavur exequida cun capientscha e quittau. Enteifer gl'onn passau ei era vegniu fatg entginas midadas vid la baselgia da Selva. Quellas ha n custau 35 756.65 frs. Da quei importo resta aung in deivet da frs. 2495.45. Plevon Sur Martin mereta era nies pli grond engraziament per la execuziun e quittau finanziel da quella restauraziun. Menzionar vulessel era la elecziun ded ina commissiun per preparar la restauraziun dellas capluttas da s. Brida e s. Bistgaun. Quella ei semessa cun tutta curascha vid quei bi pensum.

2.

Forsa interressescha ei enqualin de saver co ei stetti cun il preses tschentaus en avon ca. dus onns dal decanat sursilvan per la pastoraziun de nossa giuventetgna. Buca tuttas pleivs ein stadas cuntentas cun la lavur ni metoda da Pader Reto. Siat pleivs han tenor rapport buca pagau la contribuziun sco stau fixau per finanziar la lavur e cuosts dil Pader. Cun caschun ded ina radunonza extraordinaria pertenenent quellas divergenzas, ei vegniu elegiu ina commissiun per studegiar quei fatg ed empruar da reorganisar ed adatar quella pastoraziun als basegns e giavischs della giuventetgna ded oz.

Nossa pleiv ha giu uon la gromda grazia ed honor ded astgar festivar e celebrar cun il niev - unschiu primiziant Sur Felici Riedi, ina bialla messa- nuviala a Rueras. Ei gl'ei bein stau l'emprema messa-nuviala celebrada a Rueras. Tallas fiastas ein oz deplorablamein scartas. Tonpli ha la pleiv entira tutta raschun da selegrar, engraziar, e tuttavia rugar il Segner per novas clamadas spiritualas.

Per conclusiun da miu rapport engraziel tut spezial a nos dus Sur plevons per la gronda lavur e premura en survetsch da nossa pleiv. Nus Tujetschins essan entochen oz stai bein survi quei che pertucca la pastoraziun. Patertgein nus denton mo ca. lo ¹⁵ onns anavos cun dus spirituals dapli, stovein nus tuts bein dar tier, che nos dus Augsegners seigien occupai pulitamein. Tier gl'auter ei enteifer quels onns aung vegniu daniev la pastoraziun da nos vegls egl asil ed il diember da scolas adina puspei augmentau. Sco a Vus tuts enconuschent ei nies meriteivel plevon da Rueras e Selva Sur Martin vegnius elegius plevon della gronda e bialla pleiv da Sumvitg. Nus havein, senza targlinar tschentau tier la canzlia episcopala la damonda per in successur plevon per Rueras e Selva-Tschamutt, e sperein ded era vegnir risguardai. -- A Sur Martin gratulein cordialmein per la ¹⁸ avanzada ed engraziein era dacheuanora per tutta lavur e premura en la pastoraziun e cunzun en survetsch della giuventetgna e scolaresser. La benedicziun dil Segner cumpogni El sin siu niev post sco plevon a Sumvitg. Jeu engraziel era als collegas della suprstonza da pleiv per la buna colaboraziun e medemamein era als premurai ugaus da baselgias e capluttas per tut quittau e lavur. Vinavon engraziel era a tuttas survientas e survients en in u lauter survetsch della pleiv. Il Segner detti in di a tuts la beinmeritada pagaglia persuerter. Per finiziun da quei rapport engraziel era a tuttas vischinas e vischins per il sustegn che nus havein astgau retscheiver tier nossa lavur en survetsch della pleiv. Il Tutpussent Diu pertgiri e protegi nus tuts e nossa cara Val.

Camischolas ils 30 de zercladur 1975

Carogu Christian, p. 105.